



Hyre heuet syck an dat
Passionael. Unde dat
Leuent der hyllyghen.
Unde to deme erste dat
Samer deel



E grote le
rer sinte Ambrosi⁹
was ei hillich man.
vñ hadde god leff.
vñ was doghētsam
vñ othmodich vñ
wys Vnde was ein
groet doctor yn der

hillighe schrift. vñ lede alle sine vlied dar vp
dat he gades loff breidete. vñ heft de criste
heit gās wol geciret mit mēigē edtelē nut
te sproke. vñ is o ouerste veer leter. vñ was
enes prefecte sone vā rome. Unde de wyle
dat he in der veghe lach. do quā ein groet
swarm der ymmē vp dat kind. vñ bedekke

dē em syn aelath altomale. vñ derten deme
kinde doch nene schadē. dar na vloghe de
immē hoch in de lucht. dat was allen ludē
wūder. dat mede bewisde god des kintes
werdicheit. Dat kind was vp in grote dō
ghede. ¶ Eynes daghes was dat kind in
der kerke. vñ syne suster was ock dar. Do
sach sinte ambrosi⁹ dat sine suster deme bis
scope offerde na vonheyt. vñ kussede ene
vp sine hād. Do profeterede sinte Ambrosi
us altohāt vñ sprak. Suster kusse mi mine
hāt ock. wēte dat moet wesen. Do sprak se.
hebbe vrede. wēte se lede eme te rede toz kin
heit. Do ward dat dar na war. wente do
he bischop waer. do kussede se sine hāt. Dar
na ghint dat kind toz schole. vñ lerete mit
grotem vlyte de hillighen schryfft. vnde be
warede sich alle tyd vor sinde. vnde ware
in korten tyde eyn groet meyster. Dat wart
ghesecht deme keiser Valētiniano. De san
de na eme. vñ bad ene dat he yn dat land
liguriam queme. Do hoff he sich vp vnde
quā to melaen. dar was to der tid eyn krijs
van twen partien. de ene partie weren cry
sten. te andere weren lettere. vnde heten ar